



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 43. S. Guilielmi Bituricensis extrema.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.  
A. C. 1208.

§. XLIII.

*S. Guilielmi Bituricensis extrema.*

*Chro. Antisiod. ann.*

*Sup. Lib. LXXV. §. 28.*

In Francia Crucigeri contra Albigen-  
ses, recipiendæ Indulgentiæ desiderio  
exciti, undique confluebant, Crucis si-  
gnum assutum in veste ante pectus ge-  
rentes, non humero, quo a Crucigeris  
Terræ sanctæ discernentur. Guiliel-  
mus Archiepiscopus Bituricensis quoque  
sacrorum militum voto se obstrinxit,  
quod Hæresis complures Ecclesias, ur-  
besque suæ Provinciæ, infecisset. Sed  
omnia necessaria ad profectionem hanc  
parantem mors inopina occupavit. Is  
ab annis novem, quibus Ecclesiam Bi-  
turicensem regebat, virtutibus omnibus,  
Episcopum exornantibus, præsertim  
constantia, mansuetudine, & patientia,  
claruerat. Ceterum consuetudinem in  
totam Galliam introductam invenit,  
qua Excommunicatis, cum absolventur,  
præter satisfactionem Canonicam  
multæ pecuniariæ injungebantur, eo  
prætextu, ut a casu futuro saltem pe-  
cuniæ amore retraherentur. Mos iste  
sancto viro nequaquam probabatur, &  
nihilominus non nulli magni nominis  
viri suadebant, ut eum servaret, & lu-  
crum quod inde rediret, si illud in faum  
conferre ærarium nollet, in pauperes co-  
rogaret. Guilielmus mediam viam te-  
nuit



Sæcul. XIII.  
A. C. 1208.

nuit, qua nec morem illum amplectere-  
tur, nec etiam eum servantibus scanda-  
lum crearet, si eorum doctrinam mani-  
feste sperneret; nam cum Excommuni-  
caris Absolutionem impertiretur, com-  
pellebat eos ad promittendum, ipsos  
multam esse soluturos, atque ut in of-  
ficio contineret, sæpius minabatur, se  
eam exacturum esse, sed nunquam exi-  
gebat.

Eadem ratione consilia eorum elu-  
sit, qui suadebant; impios & contuma-  
ces armis persequeretur, sic pacem Ec-  
clesiæ præstaret, ac exempla Antecesso-  
rum suorum & morem Regionis seque-  
retur. Ipse tempus petiit ad deliberan-  
dum, divinamque opem invocandam,  
quid sibi faciendum esset. Sed nunquam  
eo adduci potuit, ut sanguinem huma-  
num funderet, agros depopularetur, &  
prædas ageret. Promisit se morem  
servaturum, ne aliorum facta temere da-  
mnare videretur; nihil vero, quod vim  
saperet, unquam executus est. Satis ei  
erat, induratos peccatores privatim cor-  
ripere, poenitentiam vehementer urge-  
re, inferni poenas minari, dum ipse pro  
eis ad Deum orabat, & jejunabat. Nec  
operam perdidit, namque hac mansue-  
tudine complures improbos convertit,  
qui contemptu, quo eum antea averfa-  
bantur, in venerationem mutato, Præ-  
suli



Sæcul. XIII.  
A.C. 1208.  
fili obediebant, ejusdem amicitiam qua-  
rebant, Sanctum Archiepiscopum ap-  
pellabant, illique, quorum pervicacia  
vinci non potuerat, ab aliis tanquam re-  
probi habebantur. Hic dispicimus, quam  
profundas radices tunc egerit abusus,  
pœnas temporales cum spiritualibus mi-  
scendi, quem publice vituperare sanctis-  
simus Præsul ausus non fuit.

*Gall. Christ.*  
*to. I. p. 773.*  
Maximo doloris sensu Guilielmi  
Archiepiscopi animum affecit duorum  
amicorum, quos tenere amabat, Gode-  
fridi Archiepiscopi Turonensis & Odo-  
nis Episcopi Parisiensis obitus. Gode-  
fridus, olim Ecclesiæ Parisiensis Archi-  
diaconus Bartholomæo in Sede Turo-  
nensi, anno millesimo ducentesimo sexto  
sucefferat, quam vero non plus bien-  
nio tenuit, quippe vigesima nona Apr-  
ilis, anno Domini millesimo ducentesi-  
mo octavo, decessit e vita, quem Epi-  
scopus Parisiensis, post menses duos &  
medium, ad cœlestia secutus est. Hi  
Præsules & Archiepiscopus Bituricensis  
sanctæ amicitiae foedere conjuncti, cum  
se invicem inviserent, nil nisi curam a-  
nimarum, & Ecclesiarum Regimen lo-  
quebantur.

*vit. c. 8.*  
Illis duobus S. Guilielmus haud diu  
superstes fuit. In Vigilia Epiphaniæ,  
die quinta Januarii, anno millesimo du-  
centesimo nono, ad populum suum di-  
xit



Sæcul. XIII.  
A. C. 1209.

xit ex Cathedra, in Ecclesia Metropoli-  
tana S. Stephani Biturigis, quamvis la-  
boraret febre, cujus vis hoc facto non  
parum aucta est, nam aperto capite, &  
in loco, ventis ac frigori obnoxio, præ-  
dicabat. Tum, morbo in corpusculum  
magis magisque sæviente, die quinta  
extrema Unctione muniri petiit, qua  
accepta, Viaticum quoque sibi præberi  
voluit, atque ut majorem devotionem  
profiteretur, surrexit de lectulo, ob-  
vium se intulit, obortis lacrymis genua  
flexit, diuque toto corpore prostratus,  
extensis in modum Crucis brachiis, ora-  
vit, ac tandem Corpus Servatoris nostri  
sumsit.

Nocte sequente, extremam sibi ho-  
ram imminere intelligens, Psalmos no-  
cturnos recitaturus, quos media nocte  
cantare solebat, cum signum Crucis su-  
per labia & pectus formasset, & vix *Do-  
mine labia mea aperies* pronunciare  
valuisset, plura non est profecutus. Quod  
moriturus non poterat, adstantes Cle-  
rici absolverunt. Ipse nutu rogavit, in  
terram se demitti, mox pavementum  
sternitur cinere, ac Archiepiscopus, cili-  
cio, quo clam utebatur, indutus, super-  
imponitur, ubi paulo post spiritum Deo  
reddidit. Agebatur dies decima Ja-  
nuarii, qua nunc Ecclesia ejus memo-  
riam colit. Ipse quidem sepulchrum  
sibi



Sæcul. XIII. sibi in illa Abbacia, unde evocatus fue-  
A. C. 1209. rat, destinaverat, sed Clericis populo-  
 que Bituricensi repugnantibus, nec mor-  
 tuum, a se avelli patientibus, in Ecclesia  
 S. Stephani Biturigis terræ mandatū  
 vivus defunctusque multis miraculis  
 clarus.

## §. XLIV.

*Comes Tolosanus absolvitur.*

*Hist. Albig.* **D**um Crucigeri milites in turmas  
*c. 11.* coeunt, duo Legati Milo & Theo-  
*Catel. Comt.* didisus Montiliacum, Provinciæ oppidum,  
*p. 244.* profecti, complures Episcopos convoca-  
*Processus.* runt. Quæsit Milo, quid agendum  
*lib. 12. ep.* sibi, tum in negotio Pacis, tum Fidei, ex-  
*Innoc. III.* istimarent, præsertim in causa Comitis  
*post epist. 85.* Tolosani, jussitque quemlibet Episcopo-  
*p. 346. ibid.* rum sententiam suam scriptam, & annu-  
*p. 365. ep. 106* lo signatam, de quibusdam Articulis sibi  
 ab Abbate Cisterciensi suggestis, trade-  
 re. Paruerunt illi, cumque tam memo-  
 rati Abbatis quam Episcoporum opinio-  
 nes inventæ fuissent consentaneæ, res  
 omnibus prodigio similis visa. Ergo  
 Milo Comitem Tolosanum Valentiam,  
 præstituta die, ad se venire jubet. Adest  
 ille, promittens Legato, facturum se,  
 quicquid præscriberet. Legatus ex con-  
 silio Episcoporum Comiti præcepit; in  
 fidei servandæ pignus septem Arces ex  
 illis Ditionibus, quas in Provincia tene-  
 ret,